

ISLAM MEMULIAKAN KAUM WANITA

Islam meletakkan wanita dengan begitu mulia, kerana generasi gemilang akan lahir dari rahimnya. Pada masa zaman jahiliyah sebelum datangnya Islam, wanita dianggap sangat rendah dan hina, bahkan apabila lahir anak perempuan maka akan ditanam hidup-hidup. Mereka memandang wanita dengan sebelah mata, bahkan dianggap hina dan tidak berharga. Setelah datangnya Islam, terbukti wanita dapat menghirup udara bebas dan diberikan tugas kepadanya dalam membina sebuah masyarakat yang berbudaya dan beradab.

Maka kita tidak hairan bahawa dalam Islam tidak ada yang namanya diskriminasi terhadap wanita, tidak ada tuntutan emansipasi wanita dan feminisme. Kerana sejak pertama kali diwahyukan agama Islam ke muka bumi, Islam selalu menjunjung tinggi kedudukan dan martabat kaum wanita. Dan syariat Islam yang seperti ini tidak akan luntur di zaman zaman, tak akan pernah berubah.

Hal ini berbeza dengan budaya barat dewasa ini yang merupakan produk dari zaman yang akan sentiasa berubah dan beralih kerana hakisan sang waktu. Sedangkan Islam meletakkan antara lelaki dan wanita sesuai dengan kemampuan masing-masing. Maka dari itu tidak ada alasan bagi kaum muslimin baik lelaki, tua, muda untuk menuntut lebih dari yang digariskan oleh sang maha menetapkan, Allah Subhanahu wa Ta'ala. Kerana Allah-lah yang maha mengetahui rahsia-rahsia di sebalik penciptaan makhluknya.

Bangsa barat dalam pembaharuan dan pemodenan, menuntut persamaan hak (emansipasi). Namun, konsep emansipasi itu sendiri yang semakin lama semakin tidak jelas, yang seharusnya emansipasi membebaskan wanita dari belenggu perhambaan, tetapi malah menjerumuskan wanita ke jurang perhambaan yang baru. Pada masyarakat kapitalis, wanita dieksploitasi dan menjadi komoditi yang boleh dijual belikan kepada umum, lihat saja tayangan iklan-iklan di media maklumat di sekeliling kita. Di dalam masyarakat yang bebas, wanita dididik budaya permisif yang lepas dari nilai-nilai normatif hanya untuk kepentingan industri. Di luar konsep Islam mereka menuntut kesamaan, kebebasan dan hak asasi manusia, padahal merekalah yang mengabaikan kudrat dan martabat wanita yang seharusnya dijunjung tinggi. Secara tidak langsung mereka menganggap bahawa Islam bersikap diskriminasi terhadap wanita. Padahal Islam meletakkan wanita tidak melebihi daripada apa yang telah di gariskan dan ditetapkan sebagai wanita.

Umar bin al-Khattab pernah berkata, "Pada masa jahiliyah, wanita itu tak ada harganya bagi kami. Sehingga akhirnya Islam datang dan menyatakan bahwa wanita itu sederajat dengan lelaki." Persamaan yang dimaksudkan oleh Islam ini meliputi segala aspek, termasuk masalah hak dan kewajiban. Hal ini sangat difahami oleh para wanita Islam dan oleh kerananya mereka pegang ajaran Islam dengan sangat kuat.

~ Dan mereka minta fatwa kepadamu tentang para wanita. Katakanlah: "Allah memberi fatwa kepadamu tentang mereka, dan apa yang dibacakan kepadamu dalam Al Quran (juga memfatwakan) tentang para wanita yatim yang kamu tidak memberikan kepada mereka apa yang ditetapkan untuk mereka, sedang kamu ingin mengawini mereka dan tentang anak-anak yang masih dipandang lemah. Dan (Allah menyuruh kamu) supaya kamu mengurus anak-anak yatim secara adil. Dan kebajikan apa saja yang kamu kerjakan, maka sesungguhnya Allah adalah Maha Mengetahuinya."~

an-Nisa: 4: 127